

Mattas fan politica

Il Parlament da mattas ha lieu ils 11 da november 2021 per la quarta giada. El dat la pussaivladad a dunnas giuvnas da far emprimas experientschas en la lavur parlamentara.

A chaschun dal 4. Parlament da mattas dal Grischun tractan scolaras grischunas dal stgalim superiur e dal gimnasi dumondas politicas actualas, elavuran propostas per quatter circuls tematics tshernids e debatteschan en chaussa. Las petiziuns elavuradas vegnan surdadas a la fin dal di al president da la regenza *Mario Cavigelli* e tractadas pli tard dal Cussegl grond.

La lavur parlamentara da las mattas vegn sustegnida da 13 commembras e commembers dal Cussegl grond sco er d'ina parlamentara en uffizi e d'ina anteriura parlamentara da Cuira. Grazia a la translaziun simultana pon las 15 participantas da lingua taliana s'exprimer en lur lingua materna. Il Post da stab per l'egualitad da las schanzas porscha questa occurrenza en il rom dal Di naziunal da l'avegnir. (cdm/fmr)